

Tiwei Jon Kewisik - 2

Menmen me tiwei ik

Jon katip gude 1:1-3

Yi eiyises menmen me han tewenin mit 1:4-6

Yi naanempre hiras me him eenum me memipin 1:7-11

Jon katip him mikaru 1:12-13

¹Hi mitik iuwe ke mit ne weiwik me God, hi hewis tiwei ik ken ti mite nipaa God kehimitenut ti niki pirak. Te ti kerepep au. Ti hetike nikerek nit. Hi han tewenini iuwe. Hi kerekek au. Hi hetike mit miyapir keriyen nises him me God. ²Haiu han tewenini mentar him yaaim me God mau mekre han kaiu, mamu mamtikewai tipmain tipmain enum eik. ³Hi hanhan God Haai ketike Nikan kirak Jisas Kraiss hirakit han yaaik kirakit kaku kaktikewai. Hirakit han teweninai te haiu mamu werek werek, mentar haiu mises him yaaim mirak haiu han teweninan.

Haiu hanhan mit

⁴Hi hemtau nikerek nit han hir nises him me God mar ke nipaa hirak God ketpaiyem, te hi han yaaik iuwe. ⁵Te in ek mite yaaip hi pike hetput, “Haiu mit hanhanan.” Him im me petepin au. Nipaa ein hiram mepu haiu memtewem me wi haiu mit minin mises him me God. ⁶Haiu hanhan God te haiu emises him mirak. Nipaa him im hirak ketpaiyem hiram im: Haiu hanhanan.

Haiu emises him me Kraiss

⁷Mit yapirwe epei newep nerer wit nemipin mit miyapir. Hir nepakin Jisas hirak keit yink kar ke haiu mit keriyen hirak kan ti ik. Mit nar ik hir enun newisesik, hir nepan ne Kraiss. ⁸Yi naanempre hiras te yi ap eiyises menmen yar ke hir nisesim, te yi eiyiwaank menmen yaaim God kewisim mekre han ki. Yi eiriak menmen im te maain yi eiyit menmen yaaim yapirwe God kakwetiye. ⁹Neiyin newis him ham mekre ninin me him me Kraiss, God ap kau ketikeri

^a 1:1 1Pi 5:1; 3Jo 1 ^b 1:4 3Jo 3 ^c 1:5 1Jo 2:7, 3:11 ^d 1:6 1Jo 5:3 ^e 1:7 1Jo 4:1-3
^f 1:9 1Jo 2:23

au. Neim̄in nises him im keremem me Kraiṣ, hirak God Haai ketike Nikan kirak tatu tatkiteri. ¹⁰ḡNeiyin naninen ap nises him me Kraiṣ mar im au, hir nises him ham, yi ap eiyitpor naninen nanikre winak ki au. Yi ap eiyitpor: “God kakikepi yi eiyu werek werek.” Menmen im au emit! ¹¹Keiyin kaktip mitik enuk kar ik: “Ti ehu werek werek,” hirak kire wariyakit kirak ke menmen enum mitik ik hirak kakriakem.

Him ham hiram mikaru

¹²^hHi hanhan hetpi menmen yapirwe te hi hinapen hewisim mau tiwei ik au. Hi hanhan anen ari te haiu emtipan menmen haiu emu han yaaik. ¹³Nikerek ne heiyiuwe pit hir nesiuwe him netpi “Yi yaain.”

Mepir keremem

ḡ 1:10 Ef 5:11; 2Te 3:6 ^h 1:12 3Jo 13-14